

## Химор нима? | Сийрат дарслари (264-дарс)



19:00 / 13.01.2024 3327

353. Оиша розияллоҳу анҳодан ривоят қилинади:

«Расулulloҳ соллalloҳу алайҳи васаллам: **«Ҳайз кўрувчининг намозини Аллоҳ фақат химор билан қабул қилади»**, дедилар».

*Абу Довуд, Термизий ва Ибн Можа ривоят қилишган.*

Изоҳ: Химор – аёл кишининг боши ва кўксини тўсиб турадиган рўмолга ўхшаш нарса.

354. Авс ибн Авс розияллоҳу анҳудан ривоят қилинади:

«Расулulloҳ соллalloҳу алайҳи васаллам: **«Албатта, жума энг афзал кунларингиздандир. Унда Одам халқ қилинган. Унда қабз ҳам қилинган. Унда нафх (пуфлаш) бор. Унда соъқа (қичқириқ) бор. Бас,**

**унда менга саловотни кўпайтиринг. Албатта, саловотларингиз менга кўрсатилади», дедилар. «Эй Аллоҳнинг Расули, сизга саловотларимиз қандай кўрсатилади, сиз чириган бўлсангиз?» дейишди. Аллоҳ аzza ва жалла анбиёларнинг жасадларини ерга ҳаром қилгандир», дедилар».**

*Абу Довуд, Насоий, Ибн Можа, Ибн Хузайма ва Ибн Ҳиббон ривоят қилишган.*

355. Абу Ҳурайра розияллоҳу анҳудан ривоят қилинади:

**«Расулуллоҳ солаллоҳу алайҳи васаллам: «Қуёш чиққан куннинг энг яхшиси жума кунидир. Унда Одам халқ қилинди. Унда у жаннатга киритилди. Ўша кунда у ундан чиқарилди», дедилар».**

Бошқа ривоятда: «Қиёмат куни ҳам фақат жума куни қоим бўлади» зиёда қилинган.

*Муслим ривоят қилган.*

356. Абу Ҳурайра розияллоҳу анҳудан ривоят қилинади:

**«Расулуллоҳ солаллоҳу алайҳи васаллам жума кунини зикр қилдилар ва: «Унда бир соат бор, қай бир мусулмон банда ўша соатда туриб намоз ўқисаю Аллоҳдан бирор нарса сўраган ҳолида тўғри келса, албатта, У зот унга ўшани бергайдир», дедилар ва қўллари билан ўша(соат)нинг озлигини кўрсатдилар».**

*Бухорий ва Муслим ривоят қилишган.*

**«Расулуллоҳ солаллоҳу алайҳи васаллам» китобидан**

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хулосаси асосида чоп этилган.